

Хургъд өсгльгънә сән аргъ

Элст эргнд бәәсн колхозмудар болн совхозар хөөнә хургъллгън чилгчдән өөрдж йовна. Эн джиләс авн колхозмудан ик зунь хөөдән үвләр болн эрт хаврар хургълуллгънд экләд орв. Иигдж төл авлгън, хөөнәс авгддг ноес болн мах икдүлхд ик чинртә. Иим кәдлмшт Сталинә нертә болн „Победа“ колхозмудар оньг өггддж йовхш. Тер төләд чигн эн хойр колхозин хөөнә хургългънд дуту-дундс дала.

Сталинә нертә колхозд зун хөөнәс 117 хургън болн „Победа“ гидг колхозд зун хөөнәс 109 хургън авгддж. Эн кәдлмшиг сән гидж келдж большго.

Хөөнә төл авлгън иим тату болдг учрнь, хургълх хөд үвләс му, этцн гарсн йовдл. Хургълх хөөдиг асрдж, хотинь икдүлдж ясахмн билә. Концентрат күрмәр бәәсн бийнь, хө-

өдин асрлгън тасрхан уга эс кегддж.

Степной МТС-н гардврт бәәх дөрвн колхозмудт, нег чигн отарт, хургъдиг өсгльгън кошарно-базовой эв-аргъар эс кегддж. Тер ик хаджгър йовдл. Гарсн өдрәсн авн хургъд экән дахад, теегәр йовхларн, зүсн-зүүл шавр-шора идәд, киитн салькн, хурт орад, гемтнә, эн учрар үкдгнь чигн ик болна.

Эн МТС-н болн колхозмудин специалистнр кошарно-базовой эв-аргъар хургъд өсгльгънә ик чинрин цәәлгъдж өгчәхмн уга. Хургълсн хөөдиг идгт гаргъхларн, хургъдинь хаша-бас дотр үлләджәх кергтә. Хургъд уга хөд хол гарад, сән идгт күрәд, цадна. Хургъд иигдж кошарно-базовой эв-аргъар өсгльгън ик чинртә төр.

БОЛДЫРЕВ Б,
КПСС-н обкомин селәнә
эдл-ахун отделин инструктор,